


丹淵集

一



丹淵集四

十卷

拾遺
二卷

四部叢刊初編集部

上海商務印書
館縮印明刊本

吳郡重刊文湖州丹淵集序
文湖州高文健筆究視西州
與眉山蘇氏並轡聯鑣接軫
中原若無壯當其負屨鶴鶩
而在當時祇知其畫竹於詩
久莫有好者見於大蘇跋語
何況吳蜀萬里窠之四百餘年
之久乎曲沃家城之於宋寧宗
慶元改元編次其集與先生孫
所編畧有更易中間遺黨既
熾烈所有與蘇家文字一切
抹殺不存至有改子瞻為子平

者嘻亦可笑哉非賴蘇集互
見將不謂公與蘇家少情寧
慶元刻本世所罕覩頃內江
李務湔重為校刻而吳士人
吳達先受之雲間陳仲醇仲
醇復為校讎什達先剞劂以
傳甚盛心也善不佞曾見先
生畫竹倒生仰發蛟走龍驤
生氣鬱勃豈即所謂絳竹耶
又見硯陰雙鉤二竹泉石閒雅
刻畫精麗並各一發酒肉儉父
爭儒哉、而文集則吳中

鮮藏書之家縱有之王者錦
色綾綾供骨董之耽不之廢
積雨清光索與之殮未嘗付
論也不佞鄙陋粗俗豈足以窺
先生萬一近得僭觀疾覽具
見寸逸松嗣欲仙閣謀曠
懺佩不阿侍律注新興高寄
遠大都出入杜陵文體煥爛
句琢字煉不無踪跡昌黎皆不
苟以筆而心能運腕能應心
如其畫也者於宋體其超然
諸者歟惟可以畫竹一藝掩

為我宜寧究視石州與蘇氏
雖馳也世傳先生吐舌至卓三
疊以餅狀惟將赴湖州卒於
宛上賓館其仙主當不誣耳杜
念其集經黨既之校刪削過半
正與范父正忠宣二集相類然
當時未識之別為續集年譜
附錄今時掌務溫陳仲醇吳
達先後先相與校刻吳子萬里
案四百餘年皆非志先生之心
袁先生之遇也哉達先謂不佞宜
有序不佞所敢當既讀先

生集有概於中故不辭而書之
如此庸以質之仲醇

萬曆庚戌閏三月三十日吳郡
後學錢允治撰



閣

換漢先書

叙

予昔從牧翁師得親
文之可畫竹因請曰
聞之墨竹一派近在彭
城信然耶時吾師在
里曰撥將一畝鵝鵝
鵝楊取字稍多尺
長比之謂是遂乞鴈
每風口晴美之際披
圖展筆身身在簞簞

吳中已暇，嘗記去
之，云曰：「送而為書，安
而為畫，此詩之餘也。」
一購其詩，文讀之，未
逮二十年，而始遇
吳門里，是蒼木氏
相之，放舟扁舟，出
月之夜，吸茗，刻坐，因
為說宋南渡後，詩人
家，以周益公、葉水心

輩，但為之，無傳，蒼
木晚始曰：「向者，借蜀友
常君訂正，予淵集四
十卷，餘樣而，不能以
二洲入，蠹魚腹，又去
因步以獲，有墨竹
之孫，蒼木曰：「然則，在
而者，其莫耶？」即
川為句，今明以來，擊
其棄，亦以相，陽子誠

蒼木之恒亟為之
理其殊缺授之析
其以廣其傳焉庶
海內慕之可之竹
而不獲見者程得
於其詩文見之畢余
嘗讀長公偃竹記而
想見之可之竹則夫
讀之可之詩文亦不
知凡年人也其世以

好其法以好其書者
當亦法微之而見
蒼木之予海通之
書不惟以其詩文已
也

辛未上巳海虞
毛晉題於扁上

何舍



朱故尚書司封員外郎充秘閣校理新知湖州文公墓誌銘

資政殿學士太中大夫知河陽府范百祿謨元豐二年正月二十一日尚書司封員外郎充秘閣校理新知湖州文公以疾卒于陳州之賓館享年六十有二其孤朝光奉其柩以歸以元祐九年二月五日葬于梓州永泰縣新興鄉新興里前此狀公行事始卒來求銘公百祿所畏者且同年進士也不可辭故書公諱同字與其先文翁廬江人爲蜀守子孫因家焉至立徙巴之臨江學周門人推爲顏子其後又徙梓州永泰之新興鄉新興里曾祖彥明祖廷蘊考昌翰皆儒服不仕考公以公贈尚書都官郎中妣李氏仁壽縣太君公幼志于學不羣鄉人異之都官公嘗誨之曰吾世爲德汝其起家乎將高吾門於吾廬之東偏以待汝宜勉之公時年十三俛而對曰謹奉教自是晝悉力家事夕常讀書達旦遂博通經史諸子無所不究未冠能

文慶曆中今太師潞公中成都譽公所贊文以示府學學者一時稱慕之再舉鄉書第一皇祐元年登科第五調邛州軍事判官更攝蒲江大邑繩治豪放或辨折欺僞然後敦學政勸邑之子弟召其長者與語名教使歸諭里人再調解難軍節度判官秩滿改太常丞嘉祐四年召試館職判尚書職方兼編校史館書籍以親老請通判邛州至未幾丁都官憂服除歸館又以母年請通判漢州遷太常博士明堂覃恩遷尚書祠部員外郎賜五品服知普州丁仁壽憂服除熙寧三年知太常禮院兼編修太宗正司條貫時執政欲興事功多所更釐創造附麗者衆根排異論公獨遠之及與陳薦等議宗室襲封事執據典禮坐非是奪一官再請鄉郡以太常博士知陵州州廨徒倚於培塿之間土風習靡守長至者或鄙易之公訪民疾苦得城中羣不逞主名常以夕時凌轢途街良民暮卽闔戶不敢出及是率以事收至延峻繩之且戒毋復亂吾

治是後郡民慶弔相往來雖篝火宵行無復擾者上元嬉游野民扶老携稚趨城市數習晏然父老相慶曰不圖吾鄉今日安居行樂近比都會也貴平男子依假靈惠以鬼道惑人遠近走隼爭投貨財將大修叢祠公聞之乃移尉捕其首惡而徙之餘置不問以其材新甲仗庫嘗使諭尉曰西山之隈居者數家有盜匿焉亟捕之尉果禽盜鄉人神之知興元府漢中沃腴俗饒財寡文未有第進士者公先治庠序擇行藝之秀者使掌之風諭境內使民遣子弟就學暇日躬往閱視而誨導之於是風俗寢改向學爲多有盜雜居闌闌公使捕詰之叩頭伏發其藏皆穿窬所得未之易也土民每春出游觀常苦秦隴惡少從褻斜間道往來剽竊吏不能禁公嚴治之盜不敢犯城固之上原巴城民頑逋租不以時人人苦鄉徭代輸破產公督勵之革其弊既復舊秩歷度支司封員外郎徙知洋州興勢環境皆山谷民以茶爲產使者方行摧法歲課

四十餘萬斤商旅不通山民及其罕荷檐趣郡遠者往返千里公條奏其不便時茶場歲額有曰綱外者有司新其法止通商於蜀出他路者禁之然蜀產茶郡居多商亡繇通於是綱外茶山積使者又督主吏必盡易之腐敗者償納人爲憂備公又奏論其不可皆不報茶司方輩致解鹽就易於郡冀以阜茶本而盡摧民間食鹽商旅不行官鹽復不繼於是民苦食淡公又言臣州摧茶雖久其間措置未有表比又盡摧解鹽官自出賣不許商販雖利歸公上而民不便之宜預爲津調旋然有備則法行之後售之民間涓涓不絕若一日弗繼則人亡以食詔爲弛禁輿誦歡然代還判登聞鼓院數月乞郡東南除知湖州神宗召見延問公條對有緒建言二事一曰洋與秦鳳壤錯比往時凶盜剽掠境上人不得安急則逃匿山谷恐一旦嘯聚呼白地劍外當小警請置吏於五丈原否則駭谷與華陽鎮相援以禦絕諸偷二曰遠民請登聞鼓院

投訴無虛日間有判然易以敕律辨者官司不爲區處第授舊牘抑却之冤民廢農桑走數千里抱書立鼓下非朝廷爲民設官意請凡訟訴滯枉或不爲決致詣闕得直者重其坐使吏知恤職民無嗟感上然之公資廉方居家不問資產所至尤恤民事民有不便如已納之阱中必爲出之而後已退而齋居一室書史圖畫羅列左右彈琴著文寒暑不廢事親孝未嘗違去晨莫恬於遠官以便旨甘者十有餘年不趣時好不避權仇修其在已而不求其在人者安義與命蓋超然自得平居以言誨諸子而自踐之者其大旨如此故凡與之游皆名節文行之士顯用於今者而公獨不與焉命也夫司馬溫公嘗遺書曰與可襟韻蕭灑如晴雲秋月塵埃不到光心服者非特辭翰而已公博學雖星經地理方藥音律靡不究古篆行草皆能精之好水石松竹每佳賞幽趣樂而忘返發於逸思形於筆妙模寫四物頗臻其極士大夫多寶之其歿於

宛丘也梁洋之民悲思焉娶衛氏追封旌德縣君再娶李氏封永和平縣君子男五人朝光爲彭州軍事判官葆光舉進士垂光務光及幼未名者三人皆早亡女二人長亡次適進士張元弼孫男七人機械皆業進士餘悉幼女四人平生所爲文五十卷銘曰

蹈直方而不詘今不負其君樂吾土而徜徉今不遺其親處單遯而懷國今恤一物之不振臻至寶而不售今韞吾櫝而晦珍今有否而膠盤兮誠激烈而儻陳善則擇於太上兮不忘於梁洋之民芻豢牢醴之不吾嗜兮甘吾之芹黼黻貂冠之不吾好兮服吾之文道渺莽今東南游漠然命兮逝宛丘魂萬里兮返故州從先塋兮植新楸垂令名其不朽兮蓋不特王褒相如之儔

石室先生墓誌銘終

石室先生年譜

曲沃家誠之宜父編

天禧二年戊午

先生生按先生墓誌元豐二年正月二十一日卒於陳州享年六十二推而上之實生於是年

天聖八年庚午

先生年十三按先生墓誌考都官公嘗誨之曰吾世爲德汝其起家乎將高吾門於吾廬之東偏以待汝宜勉之公時年十三俛而對曰謹奉教卽是年也

慶曆四年甲申

是歲按實錄文潞公除樞密直學士知益州七年擢諫議大夫入政府按先生墓誌潞公守成都譽公所贊文字以示府學學者一時稱慕之必在是年或五年六年之間也

皇祐元年己丑

是歲先生登進士第按登科記皇祐元年三

月策進士馮京以下四百九十八人先生第五蓋軫象天地賦日吳不暇食詩天聽君人之言論考先生墓誌亦同

二年庚寅

是歲先生赴邛州軍事判官按先生親筆踈篁怪木碑云王成諤力臣文同與可張鎬子京樂褒聖舉皇祐二年六月六日來此命同

四年壬辰

是歲先生在邛州攝蒲江縣有移縣學諸生文皇祐四年二月七日司戶參軍權縣事仇偶立石縣東三十里有忠孝寺柱間有紀行云郡從事文同鄰江李與太學周之翰進上文象皇祐四年壬辰上已前一日同遊縣學文作於二月忠孝寺紀行作於三月意仇偶者繼先生攝縣在後方立石耳又按先生留題鶴鳴化壁詩刻後云壬辰歲仲冬月書則先生自蒲江又攝大邑也

五年癸巳

是歲先生在邛州按先生親筆墨林碑云余皇祐癸巳從事此州因閑爲此後爲好事者所護其迹如新嘉祐辛丑來倅郡治平乙巳復權守事一紀之中凡三覽此舊墨令人眷眷又題云余皇祐癸巳從事此州因閑作此二壁嘉祐辛丑自秘閣復貳郡政已爲好事者攔護其蹟如新治平乙巳復權守印再覽舊墨裴回其下計此歲已十三秋矣又按先生留題鶴鳴化上清宮詩後癸巳歲季春月題又有重序靜林寺僧惟已九臯集後云皇祐癸巳下元夜杳杳書堂必在大邑縣治今不復存矣然先生有賞豐亭詩刻在今郡園豐榭乃皇祐五年二月二十一日太守嘗平立石不知詩作於何時立石在是年也至和元年甲午

是歲先生邛州代還再調靜難幕官當在京師

二年乙未

是歲冬末先生赴靜難軍節度判官按先生作謝都運傳諫議啓首云蒙恩授前件官已於去年十二月二十九日赴上訖又云向官西鄴幸過尤此官南幽誓謹名節啓必作次年之春則知赴官於此年之冬末也嘉祐元年丙申

是歲先生在邛州按先生作靜難軍雪峯寺新閣記云嘉祐元年同佐靜難幕紫微山靈峯寺者凡出必造焉五月初一日記又作問神序云丙申歲夏五月南幽大旱土人走寧之要冊池取神水禱雨不應余爲作問神詞使歌之

二年丁酉

是歲先生在邛州按公作捕魚圖記後云嘉祐丁酉二月十日新平官舍記又作樗蒲格序後云嘉祐二年丁酉仲冬月十有三日新平官舍序按九域志邛州新平郡靜難軍節

度使

三年戊戌

是歲先生在邠州有送通判張總之都官赴闕序云往年拜總之於成都及來南幽復得預總之職事及履參視無有缺缺以先生墓誌考之秩滿改太常丞赴官靜難在至和二年之末秩當滿於是年次年則召試矣序蓋作於此時

四年己亥

是歲先生召試館職判尚書職方兼編校史館書籍按先生墓誌云爾又按先生謝館職啓云更佐兩郡行周十年近緣公章入改朝序先生於皇祐二年赴邛州判官至和二年赴靜難判官至是蓋十年矣

五年庚子

是歲先生在朝按先生作道士袁惟正字行之序其畧云予典校中秘書暇日納涼於城南道宇有道士肅予坐堂上以字請其後云

嘉祐五年庚子元日謹序又作種柳詩序其畧曰楊君灝巨川爲令種柳千根表絡諸道作三詩紀其事和者連章以至大軸携入都下示余屬以序後云嘉祐庚子人日安靜文同序然先生墓誌云以親老請通判邛州先生又作榮州楊處士墓誌云嘉祐五年二月華以書狀拜道士李有慶來詣山居意先生是年歸鄉矣

六年辛丑

是歲先生倅邛州按墨林碑先生親筆云嘉祐辛丑來倅郡又作嘉州平羌縣夫子廟記云道士李有慶過邛訪余五月十日記又作成都楞嚴院畫六祖記後云予自秘閣校理乞侍親得相於臨邛郡嘉祐六年辛丑五月十五日東園芳洲亭書東園卽今倅廳之圃也郡圃在西故以東別之同日又作鳳凰山新禪院記鳳凰屬邛之大邑縣思安鎮然按先生墓誌云通判邛州至未幾丁都官公憂

則知先生是年必以憂去先生後通判漢州謝成都端明啓云向嘗逐外官之請尋用持先子之憂一居家山四改歲序蓋自是至治平二年公赴漢州四年矣

七年壬寅

是歲先生居憂在鄉按先生家集有作邛州求福院新修桂華閣記後云壬寅六月十日記必在家時作也今碑已不復存不可考矣八年癸卯

是歲先生居憂在鄉按先生作梓州處士張希澤墓誌云治平改元正月以疾終於家希澤初得疾余持服里居考希澤得疾之初必是年也又按先生作費先生詩集序亦稱嘉祐癸卯東平先生以詩爲示云

治平元年甲辰

是歲先生在鄉按先生作梓州求泰縣重建北橋記云上卽位之明年求泰縣重建北橋旣成其令佐有請於邑人文同治平元年二

月一日記又作東橋記後曰同者字與可縣人又作中江縣樂開堂記後云治平元年五月日記又按先生墓誌服除歸館又以母年請通判漢州蓋在是年

二年乙巳

是歲先生赴通判漢州又攝守邛州按漢倅題名記治平二年二月五日到任又按墨林碑先生親筆云治平乙巳復攝守事蓋以漢倅來攝臨邛也又作中江縣新堤記云治平二年春河內廖君子孟爲之令貢士賈汝奇等二百人請余求文意此記作於未赴漢倅之時以邛州太守題名記考之嘉祐八年十二月七日張赴以虞部郎中到任治平二年八月二十四日劉介亦以虞部郎中到任張必未滿秩而去先生必攝守於張之後劉之前也又按先生權邛州謝成都府尹啓云爲治中之官殊恐不職行太守之事固非其宜然而一紀之中三來於此自爲從事至攝守

十二年矣然先生作羅屯田墓誌首云治平二年九月十日職方員外郎羅公登詣同於成都回車館手授其先人行狀則先生八月解臨邛歸廣漢道出成都作此誌銘無疑矣三年丙午

是歲先生在漢州六月知普州按先生作成都府運判霍侯燕思堂記云旣落之侯謂廣漢都尉文同曰無石以載疑事之關將以屬予子其謂何同曰諾治平三年二月十五日記又作仁壽縣太君李氏埋銘云宋治平三年丙午春太常博士宋璋與其弟瑄葬其母夫人仁壽太君李氏於犀浦縣俾其友廣漢郡尉秘閣校理文同謹歲月之實納諸壙中又按先生作綿州李處士墓誌云治平四年十月十五日以疾卒于家嘗憶去年六月自廣漢移守安岳道先生門下入拜於南堂先生與語恐不能久留於世別未百日而秘書丞君遣使以狀來曰先人臨終攬誼伯手屬

之曰吾死當使普州誌吾墓則知先生是年六月赴普州矣

四年丁未

是歲先生在普州按先生作成都府學射山新修祠宇記云龍圖閣直學士趙公治平二年夏四月被詔守蜀明年春三月上已來遊學射山四年初五日記此記疑作於普州又有普州三亭詩曰均逸曰東溪曰碧崖然按先生墓誌云賜五品服知普州丁仁壽憂服除熙寧三年知太常禮院則是年必以憂去官矣

熙寧元年戊申

是歲先生居憂在鄉

二年己酉

是歲先生居憂在鄉按先生題黃氏易圖後云熙寧己酉孟冬望日墨君堂書又有夏日閑書墨君堂壁詩云先人有弊廬涪水之東邊我罷漢中守歸此聊息焉則墨君堂在先

生所居明矣十月十五日又作茂州汶川縣勝因院記十一月十五日又作彭州永昌縣治已堂記

三年庚戌

是歲先生在朝按先生墓誌云熙寧三年加太常禮院兼編修大宗正司條貫又作送朱郎中詩序首云熙寧三年庚戌三月癸丑同自蜀還臺宿臨潼華清道館朱康叔引名見訪又作利州羊模谷仙洞記云熙寧庚戌春予還朝利州通判寇諱爲予言云記後九月二十三日

四年辛亥

是歲先生歸鄉赴陵州按先生作陵州謝表云臣已於三月五日起任訖又作榆陰詩自序云熙寧辛亥歲春予自京師赴陵州因過家省墳墓云又有辛亥孟秋虹下飲古井詩

五年壬子

是歲先生在陵州按先生作送朱康叔郎中詩序有云五年同守陵州康叔之子維縣尉瞻之遣使致書後云壬子中元平雲閣序閣必陵之州治也又作仁宗皇帝飛白書序其略曰太子賓客掌公禹錫時預此集乃蒙帝子之殊渥焉熙寧五年十月其孫文紀爲陵州貴平縣令願將刊鏤見求短引以著其下初八日謹序又謝知府吳龍圖薦章乞召還書殿以備諮訪啓云自從登科以至遊宦二紀於此一節不回先生以皇祐元年登科至此二十四年啓必作於陵州又以先生集考之先生後知興元秦乞差洋州狀云蒙恩除臣陵州得一年十箇月因改州爲監復蒙就差知興元府則先生於是年冬罷去矣又按先生作張思孺挽詞云昔在天彭郡僑居過一冬感君常見訪無日不相從意先生罷陵州寓居彭州四年方赴漢中也孟冬猶作新竹記